



陶學士

七言古詩

送四子

送易知事并引

易彥昭南陽人蚤游京師試太常掾遷長秋陸
太平路知事位在郡幕亞然六曹之綱贊一府
之治任事重矣其性情寔不為峭絕之行不
取皎卓之譽法行而政舉郡府賴之閱三載代
者至為詩以志別焉詩曰

青山之陰江之濱郡城晏然民恬寧使符煌
來貴臣幕府蒼畫多佳賓君會冰雪為精神中

陶文集卷之二

原人物何彬上臥龍岡頭月如銀清氣鬱蟠鍾
在人壯游燕巖登要津聲光上徹天之宸宗祧
禮制得具陳長秋佐政功不湮恩袍綠映宮柳
春袖中勅旨如絲綸上承侯伯諧同寅所喜境
內無譁囂清風吹遠案牆塵芙蓉香冷波粼粼
水天紅光日吐晨乘馬上府參米輪繭絲歲賦
五百鈞十四萬石米滿困省命督集毋擾民屢
嘉勞績起等倫溪樓峯亦連翠旻風烟俯此盃
中醇歡騰棣萼榮蒸上咲看佳兒雙玉麟忽聞
書考去志仲棗陽別野母遠巡願言壽分堂上



親願言顯要早置身絲木輝映金魚新

送夏弘叔并序

入粟拜爵之令始於秦而盛於漢唐權宜應變以佐國用間有異才出乎其中若張釋之卜式黃霸皆以資登即選晁錯有言爵者上之所擅出於口而無窮粟者民之所種生於地而不乏其意有由然矣至正甲申中原饑饉天子恤民阻饑賑以府廩全積循漢唐舊以爵募粟由是夏弘叔任巡檢於草市弘叔雖長富室自處欲然其父質夫延師家塾以教之遂涉經傳屬文

文選卷之二

二

可

哦詩精琴操良於翰札焉草市隸今天臨志

稱其地有舜遺風人多純朴王黃州碑謂瀟湘為洙泗荆湖為鄧魯弘叔巡警茲土保安居民清肅闔境乃其所能今將泝江流浮洞庭南抵於湘潭瞻衡嶽望五嶺以攄其文氣以耀其武備有日矣其鄉儒師林達之錢彥良造予門持綠軸求文為贈遂述其事系詩於左云

洞庭之南雲陽塘祝融靈峰照天衢青衫萬里游炎都戎韜小試羅兵比草市聚落鱗瓦鋪駭此警邏來文儒當塗名家千里駒榛陰如雲庭

屢趨毫端春葩五采敷。光掩金辟珊瑚珠。宅鄰
橫望高鬱紆。三十六朵青芙蓉。幡然應記數廩
諸穰。白絮連櫓輪。羸民含哺旋。昭蘇勅書褒
寵金章朱。碧湘秋澄冰玉壺。宦途南逐鳴飛迂
花村月夜驚。吠無笳鼓聲。起茲攘逋。仰瞻玉帳
金虎符。繡斧飛霜悲。兎狐塵閑官舍。窓日晡。嶽
雲糾翠烟模糊。長沙酒香呼木奴。醉眠琴榻紅
氍毹。載雲旗兮。颺控車。蘭穀桂醕。招三閭。咸池
音杳龍尾。祖湘妃鼓瑟懷蒼梧。客鄉哦詩不可
辜。寫入瀟湘八景圖。

送秦君用并序

士集卷之二

三

秦為當塗著姓。豐裕累世。君用祖若父。皆敦良
確慎。氣無驕盈。習無縱逸。可謂富而仁者也。君
用得繼承之道。家法尚儉。於周卹困餒。無靳焉
乃歲當闕。逢涿灘。齊魯燕晉饑。朝廷遣使分道
賑民。聽入粟者拜官。君用遂發諸積。方舟以載
浮于江。達于淮。選部注寶慶。踏新化縣。蘇溪巡
檢。君用赴官而南。其地隔大湖。邈在邊徼。雜夷
粵之僂。然間居族聚。火耕水耨者。皆國之赤子。
樂生惡死。性所同也。攘竊弗寧。豈其心哉。由綏

之寡術導之不素衣食匱而禮教無聞幾何其
不相胥而犯法也雖嚴於事果足以盡禦暴之
方乎余嘉君用應詔不違敬也施惠於遠義也
仕而效勤忠也既富而仁其善又如是宜有以
華其行故作詩以送之詩曰

萬山丹翠浮楚天熊躡龍奔隱雲烟長沙零陵
相後先一水走碧雄濱川地饒黍稷麻麥田瘡
不為癘暑不煎蘄溪僻境民受屢蜂屯魚貫紛
牽連草荒公廨屋數椽鼓角聲撼天南邊秦君
下馬藍袂解官開畫示如神仙令嚴兵伍采棒

文集卷之二

四

一

懸平蕪月白犬熟眠出自富家真象賢寶視經
書唾視錢平生周急心所便况乃募粟綸音宣
堯湯曾遇水旱愆從古有饑無此年聞之殊覺
心惻然我發我庾實且堅瓊糲滿載江上船順
流不日經淮壩鵲形久病成甦痊報以美秩天
官銓御煤香濕黃錦戲手彈冠座理腰纏春風
溪亭飛柳綿銀箏侑酒喧離筵帆開水驛弓控
弦洞庭浪噴蛟魚涎巍峯隱七飛鴈旋岸口近
卒森戈鋌峒狺怙伏無警傳滿簾日色薰蘭荃
公田飯飽跨錦鞦入城為訪瀟溪泉

菊泉并序

菊能輔體延齡根莖花葉皆可服或曰南陽酈縣有甘谷菊生被崖大菊落水得其滋液泉為甘馨谷人飲而上壽辨者曰諸花之根唯菊淺露水源既遠香豈由菊設使以花得香不過秋冬之交爾夫水甘淡鹹苦各因其源安知無菊味者故酈泉之芳匪因菊變予嘗折衷其事以謂地產宜菊則精英之氣流通土脉與水相感古法季月採以上寅春曰玉英夏曰容成秋曰金精冬曰長生是精英之氣無間於四時若大菊落水與辨者之說或未然也番易黃德輔業醫號曰菊泉訪余求詩余亦感其善療賦詩寓意以菊泉之德歸之不專美於物焉詩曰

中央氣和連混茫金精共鍊秋花黃靈根編絡澗谷旁真英聚入幽泉香山中百卉不敢芳日華月魄涵銀潢冷然入勺風露涼乾坤甘滋流肺腸山人童顏壽且康七十八猶云殤番峯老叟醫師良何曾足跡游南陽情甘隱逸與世忘澹然迹踈紅紫塲心淵澄瑩波不揚濯纓不必求滄浪舊家留得軒岐方刀圭奇驗清膏盲

設開千古金匱藏丹蟠龍鼎芙蓉光重亡者存
弱者強惠澤及物何可量此菊生意盈藥囊此
泉味比醍醐長所願仁壽均八荒隘彼酈潭居
一鄉飄七霞佩雲錦裳携兒過我登溪堂是時
東籬天雨霜寒照水金輝煌授我寶訣期榮
昌神舍內完絕外戕身輕儻可八翼翔蓬萊弱
水天風剛

李氏孝義并序

甚矣天道付畀之重不可失也秉彝義理之良
心萬善從出人具有之良心之存莫大於仁也

良心之發莫切於親也人以眇然之躬配天地

三才而異於物者此也予雖不識李良夫聞其
孝篤於親義周於族推其仁而有序其母宮氏
令德貞節類古烈女良夫幼失父長而造行不
群母訓有素也予念夫孝義之實根於良心也
孝義之名足以勵俗也故樂道其事傳曰仁者
必有後尚綱果以文學顯天將豐報於後人尚
源也嗚呼懿哉乃作詩曰

魯之為國多秀民禮教遺俗醇乎醇中有孝子
全性真務學唯先厚天倫骨肉之愛始自親厚

義能施睦宗媼母氏出虞公臣秉節操心異乎人夫也竟終閭幕賓江東客途孤愴神歸家奉舅顏和閭舅兮不知兒隕身不將臉照桃花春栢舟為誓甘苦辛燈窓課讀勤績紉漸見四子英姓上重關鶴髮餘九旬孫枝滿眼皆儒珍盈門弦誦延縉紳簪笈遠至咸循上表厥宅里墨榜新光映岱嶽黃河津良也孝義盖有因積善有報禎祥頻後賢思齊世蹈仁河嶽久長能與鈞

徒氏世德并引

文集卷之二

七

徒氏出自姑孰徙居漂上三世矣仲清通國字音聲為姑孰學錄館穀于其從祖家子嘗識仲清之父彦和及其兄伯淵今見行卷諸作則知徒在漂者多文士予視之尚鄉鄰也為述世德詩竊取比而賦之義爾

青山昔年有鳳凰移巢中山瓊樹蒼鳳凰凌雲去渺茫鷓鴣驚遺族皆文章金玉為羽錦繡腸渴飲河漢吞奎光中有一雉在高岡衆目爭光觀嘉祥噉上幾聽鳴朝陽音如重譯流宮商出林沐浴雨露香思歆聞韶舞巖廊振翮一飛回故

鄉翩然照影姑溪旁一朝瑞采生我堂驚看異
物來何方撫此靈貞詢其詳乃匪物也人之良
手探詩軸出錦囊始見一家文氣昌姪姪昆弟
翰墨場鯨鳴玉奏聲鏗鏘我聞君家世德臧天
降百福紛穰上若祖從吏華飛霜狴犴生死分
毫芒彼何人斯怙富強虎吞無辜如犬羊父子
誣服情可傷獄成忍使膏銛獨以智識燭姦
猖確言當庭折巧簧暮夜萬緡投賄賊厲聲正
色麾門墻渠魁首實無遁藏一鞠服罪甘斧戕
官民共喜冤疑彰不矜不伐如尋常野服歸隱

今集卷之二

八

享壽康無心雲路騰飛黃階除續紛五色裳玉
樹競秀芝蘭芳我識貞和溫且莊伯淵積學真
賢卽仲清蓬羽鶴鷺行歌見其餘猶未嘗溪窻
烟月琴在林寶坊教席松風涼客來烹茶當酒
腸飩炊紅粟藿為漿鳳兮鳳兮千仞翔覽德而
下情悠長聽歌此詩非楚狂飛上太清朝玉皇
廣陵揚節婦

堂上舅姑嗟老苦膝下兒啼未能語孤鸞何心
鏡中舞綠鬢年才二十五甘旨供餘勤鞠撫舅
姑飲顏兒飽乳誓有一心無二主本欲同歸九

原土手拋粉黛獨紉組燈照空帙淚如雨
簷居守義能自許觸目艱難不憂沮夫天寥濶幾寒
暑兒有文章揮藻黼竹西綺羅炫芻午翠箔朱
簾闌嬌嫵五方雜借日殊古貞烈無聞世何補
人秉德天賦與乃以三從鑄肺腑春官旌名真
盛舉共看光采生門戶丈夫明理蹈規矩鬚眉
蒼上本翹楚為臣不韋遭險阻忠國立身當審
處爵祿才猷輕一羽大節或虧何足取嗚呼大
節或虧何足取不及閨中賢婦女

○題柳如菴小影

當陰之黃池人宋神醫也
有可用方行於世

如菴神醫妙天下後來安有如翁者我恨生晚

不識翁形神已落丹青寫漆瞳雙州雪鬢疎豐

頷童顏意瀟灑丹臺玉室本仙流藥聖驚人自

天假宛陵翁季人中龔相見情懷即傾瀉家藏

醫書千種餘奇論名方歸取舍宛陵乃吳正肅

退菴家藏醫書甚多如菴因得遍閱硝黃用少參苓多指點孫常

聞見寡烏紗籠髮青霞衣何心朝服金犀鏤蹇

駟緩策引新駒何心雲路如龍馬舉頭自有天

為鄰富貴於吾猶土苴一筮一笠相隨處入眼

溪山總幽雅僕夫喜色望歸塗落日泚濱烟萬

死

名黃池一

下取可用方造化茫茫入吾把

三彭勦除清不寐霜杆聲中剔紅炷丹璫鍊養
艷金卷玉露精英挹瓊瑩高情追逐義皇人豈
特餘功及尻深還君此圖三嘆息兩袖云風颯

秋野

○陶培之中堂試詩送其歸

硯池斗墨飛雲煙樓前迅灑春容篇主司撫卷
賞才美况乃與學窮先天江蛾雲際蟬黯然忽
看翠展雙嬋娟川靈錯愕感齒錄詞情飄逸如
謫仙天上文光現斗躔旗鈴佳信人間傳便當

秋香分老桂瑶臺玉宇飛翩翩大府侯伯爭下

賢酌酒賓墀豐俎籩簪小作杏園宴贈以文

錦榮歸旋雨冷湖軒夜如年聖賢心法宜精研

少年高科古所戒勿為利祿情拳

送文元祭游學杭城

錢塘繁華甲天下雨霽湖山翠如畫朱樓人醉
綺羅春緜帙誰諳燈火夜一時見君真拔俗千
里尋師遙稅駕生長富貴厭膏粱雋嚼經書如
膾炙采鳳鳴陽出丹穴蒼隼凌秋飛太華柏
繡斧風烈存椿府屏車光寵亞名賢奕世妙質

意緒長案塵不染清如霜蓮之淨植可比方倚
欄駐目聊徜徉話中題品衆美彰無為心苦綠
玉房藻芹助喜翠歆翔菁莪樂育仍相望清芬
送客將昏黃秋隨短袂天風涼

○贈趙道昭

十五載前曾識君壯哉詞氣凌青雲十五載後
復相見中覺鬚髮變人生嘉會苦不多江海
茫茫奈別何清宵懷人耿予獨目送老月飛銀
河東風鼓棹姑溪上乘興敲門一相訪奇言縷
縷驚座人包括周天衆星象知音者稀誰與論
倦持寶瑟立齊門文集卷之二幾見杏苑紅雨落歲寒梅雪
又黃昏天借片時談咲共追憶從前恍如夢鴈
聲落枕促登途馳穩衝曉霜蒼重我別中山不
記年為我訪問藍橋泉一朝當踏有知者相見
恨晚母歸田

吏者于姓考滿贈

隆古治具在典墳申韓刑名漲妖氛漢章唐律
有定制斷以明決輕重分云何吏曹昧大體往
往刀筆煩其文世道日降事貪刻天性敦厚頗
見君高門陰德有餘慶子孫愈遠揚清芬當今

簿書出身者置之要路爵勲况子才氣能出
群得祿可不煩耕耘明時需才意甚勤誰甘白
屋老無聞乍者奇驥騰青雲且聞瑞鳳鳴朝听
金陵郡府隸臺閣蒼柏霜雪寒零々從容幕下
出片語案牘叢中能解紛鄱山迎客翠蛟舞金
芝佳氣蒸氤氳錦袍詩仙招遠遊荒城烟雨江
之濱朱門祭戟牧守貴咲撫白壁生餘欣客窓
雞聲梅月曙官庭燕語槐風薰幾多勞事咲談
了群工歛手觀郢尔歲月苒々憶桑榆回視舊
穴喧飛蛟方知宦海渺無垠驛亭別酒成微醺

送劉生仲孚

文集卷之二

十三

當門一帶溪流奔左為青山右天門蒼林隔市
祕亭館漏天清氣甯平吞牙籤鱗動書萬軸古
鼎香烟晝凝馥父子兄弟自師友天倫至樂其
家獨世踏黃塵飛不到理窟游心在深造雲間
桑梓隔重湖艇子如飛波浩々劉生有三兄皆
好學能文待親

居姊就本
漂水人

至正戊子下第南歸與同貢黃章仲珮雷

燧景陽同舟仲珍賦詩因走筆次韻

鳳城酒美燕姬歌禁苑紅雲金水河雨香翠島

春晝暖魚龍陸海揚風波天門咫尺到不得柰
此颼摧雲翼何時乎未至應有待壯年不必傷
蹉跎君看松柏成大材應歲雪霜誰見過拂衣
南出指歸路回首京闕山嵯峨日高原頭紅霧
散潮平沽口青銅磨牽船泝流狂吹逆登車避
關飛塵多黃樓憑河遠眺望身如冥鳴超網羅
客塗嘆語浣羈思詞鋒捷出如揮戈天生人才
必用世豈無文滌宣金科鸞臺鳳閣揔華要不
然玉署聯鳴珂丈夫小挫未為辱正氣耿々非
有它匣中古硯助神變銅蟾飽水手屢摩隨身
亦有勲業鏡依然照我顏色酤與君今日動高
興買酒共酌饒天和

途中懷古述事再用前韻

太風掃空垓下歌昔年分爭絕隔河鴻門酒酣
赤帝子回首四海流恩波臺荒戲馬春草綠美
人一去傷如何匹夫豈是萬人敵事業不競空
蹉跎山川靈傑千古在石洪奇險勞經過半天
危樓兩蘇迹蒼烟粉堞猶巍我輕舟卸帆傍堤
泊老劍出匣臨流磨長篙蘸碧接淮浦驚喜江
南鄉景多杯餘吟嘯無殊况筆戲萬象光森羅

英雄過眼俱寂寞，幸際斯世休干戈。同行佳友
得豪雋，俯視餘子當殊科。咳唾隨風絮珠玉，冠
蓋有日錙環珂。立身志節當自許，紛七富貴皆
從它。譬如野雀匪凡鳥，翅輪入雲高。屢摩喜君
氣岸亦孤峻，厭見小妾桃顏醜。我歸拜舞為親
壽，萱花香裏春暉和。

五月旦日與黃仲珣雷景陽酌於惟揚抵
暮出城曉至瓜洲有懷同貢金景蘭姚仲
誠周于一林元凱相約不至更次韻為別
以寄拳七之餘意

蕩舟竹西聞好歌，飄如仙槎泛銀河。青樓倚市
捲朱箔，舞裙綠皺如春波。香消紅藥采鸞去，其
如青鏡穿窈何。金盤露清筍牙白，小佳半日非
蹉跎。雪乳泉甘醒午醉，瓊花霧散與客過。吹簫
至人杳然逝，橋亭拂柳空峩七。櫓聲帶晚出城
去，初月光吐新鑷磨。梅天雨歇黃潦漲，瓜洲渡
近青山多我懷。初歸有髦士，金姚學富精蒐羅。
閩南周林師友盛，未見入室操吾戈。賦妙能追
司馬聖，策高反黜劉蕡科。荆門有約久未至，回
望不見玲瓏珂。黃君雷君吟嘯共，瀟然行李餘

無它客途分襟心暫苦詞場秉筆肩還摩江流
如黛送孤棹離觴不辭顏易醅佳哉璞玉當兄
遇肯使抱恨同卞和

送石仲方詩

并序

昇秦淮之南有庠舍突然新麗者江東書院也
郡書院四曰明道南軒昭文皆先賢遺迹或老
屋腐垣勞於補葺或基構庠隘與編戶等或貧
無歲入乏祭養之資獨江東後興棟宇堅完丹
堊炳炫崇嚴靚深不勞於補葺而無庠隘之嫌
買粟出納豐儉適宜祭養有給是乃郡士仁齋

文集卷之二

十六

王君之創造而草廬吳先生之所規制也始長
教者四明程氏敬叔以考亭讀書法啓誨後覺
文風大振近歲石仲方來長教事恪恭厥職剛
介不阿優禮賓師招徠弟子負析理厚倫建櫺
星門礮石購材革質得宜宮墻改觀過者見而
生敬矣程氏去官二十餘年獨見石君如此初
君諭晉陵創造廟學糾錄京口泮宮代庖學事
復沒產數千畝今江東考滿將典郡教益當弘
敷聖謨鍾鳴鐸徇轟曠警迷其功必有過於斯
矣告別歸毘陵遂酌之酒而為之歌曰

延陵季子之舊邦，林麓秀鬱泉流淙。文物萃美如瑤珉，隱居未許慕光龐。涵潛理海心在腔，書帷永夜挑燈缸。去家不遠觀大江，江邊龍虎盤。洪厓秦淮抱城駕，石砭精舍丹碧臨。奔瀧莫言無筆長，如和文詞力健昂。可扛論堂考鼓醒，愚憇法言浪上金石掄。上窺鄒魯驅雜咙，異學不敢操戈鋸。子衿環拱心自降，取友必端戒弄逢。飛觴談咲月在窓，川后屏息無從上。榻前松竹翠羽幢，雪點吟鬢秋蓬雙。牙府薦譽聲如撞，酌別纜繫堤柳橋。俸米載歸紅滿缸，迎門喜動花

陰沓沂河北上乘解艘天街雪晴馳駿駝

題張源相辛巳試院唱和詩卷

其年源相為對讀官

仙凡相去咫尺間，弱水隔斷蓬萊山。鵷袍星散夜色皎，寒隨天風生佩環。簾動波紋燭影閑，寶兔噴落紅霞斑。三場校對時有暇，咳唾珠玉遺人寰。我賦浙江徒手還，丹桂可望不可攀。後來戰藝始得儁，南宮轉覺功名慳。大省銓衡新檄頒，金陵邂逅生歡顏。得錢沽酒慰岑寂，時出險句驚神姦。袖携衆作無可刪，故人各已登朝班。見君此卷動餘興，行間臚唱開天關。

送徒伯淵

城心官帑楮代錢聚於山積流於泉納舊出新
日萬千市人四合爭欲先中山才子吏律研途
來筦庫廉而虔意氣能與長貳聯太史平準操
徽權寶貨滿眼衆所便衆是凡夫君是仙坐令
美利散列靈民得資財俱懋遷飛塵障紅炎日
煎紆袍雪色風翻上斯人本為儒者賢舊家出
自姑溪邊祖有陰德寃獄湔子孫三世居漂川
過庭能以詩禮傳出有車馬食有田族中文物
紛蟬媽橋陰滿屋墳麓宣淵兮吟詠三百篇青

蘇集卷之二

四十八

春舉筆生雲烟往歲過我圭華前歛襟拱袖忙
投鞭示我以文長滿牋繁然藍玉淮夷蟻齋窓
清話共姐蘧論情繼綫久乃旋別來荏苒知幾
年忽然邂逅錢塘壩我時南游北赴燕子方戰
藝雄戈鋌大江潮頭高沃天捲簾樓望吳兒猥
柳陰涼浮茉莉道東陽官酒西湖蓮六橋雨霽
山蜿蜒銀蟾照影秋娟上人生離合亦可憐回
首異路心茫然蹇余萬里行役牽意撥科名蟻
慕羶陸走齊魯諸山巔冰雪積冷砭重綿都城
宮闕雲霄連兩見黃榜光魁躔春風三月紅杏

研金門咫尺登無緣歸來空室如磬懸索居懷
友情拳匕三湖東隔漲碧連五鳳樓閣凌虛玄
幾欲夜棹訪戴船携家就祿依寒糴金陵聚首
喜欲顛惠我畫扇漢隸鏤始知從吏拋槩鉛捧
檄正為雙親全故山在望歸興遑牆角短檠毋
棄指丈夫有志鐵硯穿未可斲方皆就圓聖經
萬古日月懸妙道浩匕何淵匕經濟功用彌八
埏學之有要業必專窮達用舍所守堅不日富
貴浮雲然

○○送易德輝

文集卷之二

四十九

金鴉噴火炎塵紅畫長兀居圖史業有客過我
如清風忽驚秋涼生坐中詞瀾分得西江雄少
年旅游江以東缺歌聲斷囊未空自喜知己多
名公吟邊點染物態工鳳臺烟兩山滄濛綠鬢
曉映青鏡銅出門路與雲海通翩然野鶴超樊
籠便欲獻榮明光宮夜夢慈親淚兩瞳更有祖
庭垂白翁迢匕千里心有忡寄書不見南飛鴻
林臯一葉飄梧桐飛雲在眼催歸蓬到家問安
猶滌充重整香芸辟蠹虫翠筠繞屋聲玲瓏直
節琢材無與同截玉上獻妙有功協律不下嶮

谷篇一吹瑞鳳降碧窠再吹三吹和氣融四吹
五吹年穀豐六吹成奏帝德崇終于九奏四海
唐虞隆

送張學正 并序

國初徵用儒雅在位者舉其所知故起自草澤
拔居侍從林立相望共建太平之基逮元貞大
德間布衣被薦猶得登翰監司儒臺典郡教厥
後限以資格受命者寡然四海髦俊雲翕闕下
思效能于時者益衆或遇舉主則又板學官於
行省亦可小試其才矣漢雷侯苗裔曰源相者

卷之二

六十一

居信之龍虎山嘗觀光京師其所交游多大官
名人言路條其行能交薦于臺事聞中書傳檄
江浙行省署為學官歷台州奉化學正調金陵
源相盡董正之責其德剛而方其儀肅而安諸
生望輒畏敬月有書季有考凡廟祀之脩庖饌
之供與有力焉至於挺身特立抗論公道不為
物所撓不為勢所惕尤人難能今考滿矣使其
在國初或元貞大德時則受薦不止為卑官必
能接武諸賢吾不得而高下之也於是賦詩為
別其詩曰

天星執法環太微，選仙上界霜濺飛。先生面帶
虬虎威，五色文猷騰燕鶯。使過先朝名必輝，共
佐鴻業高巍。七、旅游經年塵滿鞵，輦路遙望交
龍旂。固宜從橐趨彤扉，不然玉堂依紫微。白雲
飄翩傷遠違，捧檄又作江南歸。霞城凌空堆紺
緹，當窓芹浪香菲。七、秋宵官燭照棘圍，對讀詞
義無訛非。甬東學舍垂絳幃，誦絃成風人具依。
貳教昇泮忘輕肥，館下弟子英而頽。酒邊掀鬚
筆屢揮，爛如銀河雲錦機。屋頭鍾山鬱烟霏，踈
樞月色窺金微。功勤煩絕竹簡章，坐令秦淮如
泗沂。柏垣羣公鷹隼豐，謂此美績前所稀。卷中
試藝觀珠璣，一朝話別生歎歎。自憐寸草承春
暉，有祿及養猶庶幾。還家未容隱釣磯，驂騑雲
路行駢。七、應身顯秩榮親闈，秉璋更舞編爛衣。

齊山吟

齊山在齊之開化先生
齊魯世家也

徐卿結屋齊山陰，邀我為作齊山吟。浙江以東
古甌越，諸郡環境山嶽崑。三衢峯巒甚巍麗，旁
走石麓猶千尋。虬昂虎矯蒼骨老，奔若馬騰飛
若禽。山多草木虫獸品，亦有玉札丹砂金松根。
苓光凝琥珀，叢間童影潛人參。霞屏烟藪有仙

隱蓬扉楮牖無塵侵繞庭清泉助湯液當簷脩
竹鏘球琳青龍甲乙書滿案山人長存濟世心
力扶衰朽除天閤藥籠生意春森上齊山之土
能活物齊山之雲能作霖先生之德與山等名
曰齊山人所欽白鶴相招來翠岑似憐晦迹眠
空林天風吹起檀袍襟幾車聲譽聞當今雲端
孤飛靈鳳翼枕上猶帶清猿音六朝故都佳麗
地騎馬踏遍秦淮淥官舍蕭閑杯酒斟卷有新
詩匣有琴囊探神劑奏工巧指按病脉詳浮沉
鐵冠相逢禮貌厚民仰司命情俱深時乎醫國
當有待功名從此來駸上齊山之吟雖止此上

言非予其誰任

送庸田僉事

庸田使者乘軺車閱得太史河渠書姚江農民
西引領庶幾來此吾其蘇傷心今歲夏秋月其
雨不降禾苗枯海潮東回救不得老稚無異涸
轍魚暴從官軍過州境編戶奔走竭供需計
歛錢築城去後繁未見民力紆正逢稔歲亦饑
餒遭此乾暵寤室廬往年有詔甚寬厚恩澤至
今流海隅既蠲湖田主戶米亦減小深長蕩租

皇華光臨浙江左。忍視瘡痍無完膚。曉霜方寒
問道路。冬雨未霽行泥塗。我願歲豐水旱無。公
賦早輸私有儲。國家富足民歡娛。且免使者勤
馳驅。

次董參政送楊季常詩韻

總戎戡定稱雄豪。帳下有客如枚臯。華端霜氣
塞關口。貔豹萬隊無譁囂。山環壁壘擁節旄。民
亦捍敵持弓刀。平生意氣感知已。國步如此憂
叨。宰臣動喜片語褒。兩眼如月鑿履操。燒原
難。雷拔免穴海濤不撼。游龍艘。人主當念閩外
勞。不獨相業歸蕭曹。時平功師拜闕下。遙睇虎
豹天何高。

文集卷之二

卷之三

題鷓鴣竹雀萱塘圖

為城江王
臣作

珍禽文采明金沙。相顧似憐毛羽嘉。託鄰喜傍
君子竹。忘憂更有宜男花。良工筆意何處好。林
雀哺雛心使飽。北堂雷得此圖看。依舊春暉照
幽草。

次韻畫松二首

為監卿
大本賦

鐵幹宛如韋偃革。誤令工匠施刀尺。陰森黛色
千古深。髣髴霜痕半天濕。猿鶴清音恍在庭。龍

虎白骨堅如石從知能事不易成畫水猶云日

踰十詩十日畫一水五日畫石能事不受相侵迫

蒼標當入凌烟筆相去青天不盈尺獨持勁節
冬雪寒長帶恩光朝露濕迴枝忽變老蛟形託
根不向懸崖石按圖必求如此材待搆明堂價

增十

己上辭達集

壽詩

月當秋九屬陽敷二九佳辰值初度乾龍神變
出長淮五岳生雲共環護海門躍起雷滿天大
魚長蛟相後先曉江浪濶一飛渡甘雨灑向東

南邊鍾山亦有龍蟠勢帝命控臨佳麗地滔士集卷之二

江漢作藩維吳楚諸峯挹蒼翠武臣拓境持節

鉞文士經邦佐功烈膝前羅拜豈尋常願驪

珠是明月重九節後再逢九氣聚九陽開九有

老人星現酌北斗遙對中營獻天酒曾聞大椿

竒論自蒞周八千歲為春八千歲為秋願公永

與椿相侔又聞瑤池有苑仙所植三千年開卷

三千年結實願公此苑頻得食更願招賢勲業

茂禮樂光華漢唐石撫育生民仁澤厚天長地

久南山壽

送沈竹泉并序

醫稱橘泉已疾。菊泉延齡未聞。以竹泉稱也。論竹者曰淇澳曰渭川。唐六逸有竹溪。夫竹託於泉水之上。滋養發榮。弱為禁。薄蔭乎流泉。而泉益清雅。殊勝幽人潔士。棲息覽適。助成高致。醫家濟物無恃乎此。按瑞應圖曰。竹裏有泉。色白自出。飲之令人上壽。嘗聞鄙人言。山中產異竹。高十餘丈。其徑盈尺。截而為筩。往上得泉。甚甘。山人亦多壽考。余謂竹雖植物。操堅節實。貫四時而不改。應百歲而能存。有壽者之質焉。中虛而能容。蘊涵真氣。沖和融液。注為靈泉。盈溢滲漉。嘉惠及人。蓋天地自然之神劑。故沾其味者。躋於眉壽。此固休祥。而世不常有者。醫之致用。神聖工巧。驅五臟之病。調六氣之疵。務納人於康寧。以全其壽而已。桐川沈景淵儒者也。家以醫傳。六世聘至金陵。遊於相府。諸大帥之門。療治奇驗。言論造理。洞究病源。自號竹泉。然則沈君不徒美其名。而具夫竹泉之實。其亦時之休祥。而世不常有者歟。為賦竹泉之詩曰。

吾聞鴻濛之野。元氣厚產。出異質為蒼筤。千竿

送沈竹泉并序

醫稱橘泉已疾菊泉延齡未聞以竹泉稱也論
竹者曰淇澳曰渭川唐六逸有竹溪夫竹託於
泉水之上滋養發榮翳為禁薄蔭乎流泉而泉
益清雅殊勝幽人潔士棲息覽造助成高致醫
家濟物無恃乎此按瑞應圖曰竹裏有泉色白
自出飲之令人上壽嘗聞鄙人言山中產異竹
高十餘丈其徑盈尺截而為筩往_上得泉甚甘
山人亦多壽考余謂竹雖植物操堅節實貫四
時而不改應百歲而能存有壽者之質焉中虛
而能容蘊涵真氣冲和融液注為靈泉盈溢滲
漉嘉惠及人蓋天地自然之神劑故沾其味者
躋於眉壽此固休祥而世不常有者醫之致用
神聖工巧驅五臟之病調六氣之疵務納人於
康寧以全其壽而已桐川沈景淵儒者也家以
醫傳六世聘至金陵遊於相府諸大帥之門療
治奇驗言論造理洞究病源自號竹泉然則沈
君不徒美其名而具夫竹泉之實其亦時之休
祥而世不常有者歟為賦竹泉之詩曰
吾聞鴻濛之野元氣厚產出異質為蒼筤千竿

活翠濕霄漢。百年老節凌風霜。腹中空洞含太和。醱成清泉深蘊藏。朝陽幾度鳴鳳凰。飛來梢頭不得骨。忽然靈源難自秘。流膏潔白生馨香。吾意此竹上摩天乳之星芒。吸得甘露萬斛涼。下通體穴鍾陰陽。時匕挹注瓊瑤漿。帝令昭蘇下土民。嚙嗽一勺消百殃。赤龍運水一時下。玉嬰仰視朱吻張。不待鉛汞九轉功。挽回天闕成康強。滌腸洗髓清膏膏。暑不煩渴寒不僵。神全氣爽欲輕舉。三十六帝參翱翔。沈君何為獨有慕於此。號為竹泉名姓芳。平生雅抱君子操。虛

文集卷之二

六十六

心直節成文章。活人陰功在天下。如水潤物源流長。狄公籠中生意遠。昆蟲草木丹砂光。東山相望桐泖旁。清溪碧繞琅玕房。叩門急傳使者至。聘書來自中書堂。紵袍飄飄佳麗地。戴笠出入兵戎行。相君英雄少許可。揖而進之坐客床。掃清內病與外伐。俱入丹丘不死鄉。轅門畫靜塵不揚。相君留飲談岐黃。揮筆大寫竹泉字。龍鳳飛舞勢矯昂。持來賓幕作佳話。獨我才拙慙諸郎。先生不登名利場。丹顏添髮雙瞳方。赤日滿路歸計忙。慈親應倚門闔望。煩君更以竹泉

施八荒。民壽域如虞唐。

送孫別駕赴池陽

青蓮居士之後身，音節連篇古樂府。便從大雅論正葩，猗那為宗舜臯祖。兩都三國差可數，南朝綺辭徒織組。隔江玉樹夜無聲，巖谷風生聞嘯虎。神交直到開元上，光燄摩天出天語。飄飄雲海超八極，金銀臺閣群仙侶。忽聞帝遣雙惑星，火斧虹旗鎮南土。來向轅門拜明主，曉日麻衣光楚楚。幕中慷慨坐談兵，何況儔家有孫武。紫微花下月滿池，斗酒當筵珠玉吐。朝政方勞

文集卷之二

二十七

柱史記王莽正賴賢臣補人生會合苦不常驚見屏星在門戶醉踏輕舟游江去楊柳飛花望牛渚兩崖烟霧濕天門九朵芙蓉照秋浦秋浦郡縣待庠撫吏者師模民父母雖云官至刺史榮半刺才能當獨步兵火瘡殘極哀苦仁惠存心百廢舉襦袴歌騰歡鼓舞千里赤麻沐膏雨勤敷治道追往古再見唐虞運當午梔河洗甲天宇清坐聽絃歌響鄒魯

送李鍊師還少微山并序

楚樵真逸養病于秦溪桐陰凝神冲寂求無為

之宗夕陽在戶聞有剝啄聲啓關視之有一童
子手玄錦靈篇致仙華君意曰平川鍊師仙李
之南梢也廬少微山游心于清虛窈冥晨望紫
氣賴霞起自龍虎之都岷波東環浩如蓬海躡
雲而來逍遙琳室日華月英流光內鼎道幾成
矣今將乘迴飈指故墟飄飄而南子曷宣秘趣
吐鏗辭聲其所懷清夜驂鸞伴得長歌雲漢間
滄溟揚塵尚與玉笈洞章宮商舌上異時邂逅
夔羅握手話及玉齒皓祭此其張本爾樵逸聞
仙革命豁然病釋喜色駸駸頗恨不識平川莫

文真卷之二

二十八

縈摹肖藤床晚臥想像高唐臨風浪然而唱曰
雲間蒼湖飛紫龍鼎煙光怪生芙蓉鐵鬚化作
綠玉叢仙都幻出天南峯倚嗟李下白髮翁神
交頓作玄七宗通聞鶴骨方兩瞳少微星窺冰
雪骨頗厭膝行訪崆峒喜與柱史仙源通黃芽
徹夜氣吐虹瓊鳥晚躡飛霞彤高翰掠過豹九
重清都樓閣浮瑤穹羽衣大會珠黍中璇車御
氣博飛蓬玉柝為酌碧琳醲侑以三秀蒼玲瓏
鳳凰盤遷宴金鍾衆中疑瞻帝之容帝咲而言
未汝童紫陽雲錦開囊封右招金母左木公中

間稽顙青牛宮。賜飲鮮灑元氣充。帝令下土
三蟲倒驅海水懸。半空電光繞劍奔靈霄。沛然
澤物頃刻功。臥聽四野歌年豐。石頭撐雲蟠鬱
葱。大江萬里銀濤雄。五城變現金碧融。特來蔭
此千文松。玄虎上奮鋤。在鑿忽驚暗室光。瞳矚
故隱竹石懷舊蹤。平溪過雨摩青銅。翻然鳴珮
嘉客從鶴背。鐵管橫秋風。三天儻可一咲逢。指
顧太始開鴻濛。序內尚稱仙華者宋君
景德自謂仙華道士也

送僧芳蘭谷住持明招寺

幽蘭之生在深谷。不以無人而不芳。鉢盂朝采

王集卷之二

六廿九

壁露飲。青蓮蒼苔停馨香。谷中空明若圓鏡。瀕
彌環海日月光。傲睨天台高鬱蒼。五百癡衲巖
穴藏。小乘留戀不死鄉。何緣比肩大法王。後代
演經談渺茫。天蒼紛飛七寶牀。遠窺正覺如望
洋。伊誰面壁文字忘。獨棲金華山滿房。定中跌
坐歲月長。聲音色相等妄幻。自謂學佛非荒唐。
冰壺石筍出雲漢。飄然凌虛觀十方。龍蟠法界
氣紫黃。渡杯如電江聲涼。偶然乞得袈裟地。已
被東萊建道場。東萊先隴在武義。非為薦福主
天堂。正緣人家有興廢。寺觀經久願力彊。金坊

寶閣鍾鼓震馬鬣肯使襍蘇傷我思儒門經濟
業發育萬物隨翕張存心養生禱所崇浩氣剛
大仙揣量空玄術說元有自勸人作善來百祥
雖云離倫絕世故恃此禮樂扶綱常何必火書
廬其居然後鄒魯文教昌東萊雲車印天降撫
掌應咲吾言狂

送別

我思南漪不可見曾孫一朝來自宣問之云是
正甫子滿睡秋碧堆清漣黎公穎悟乃鼻祖以
字為氏百世傳王堂學士瀛洲仙佩聲鳴向尺

東文彙卷之十一

庚五十一

五天驅辭不下瀧岡阡樓前驚倒陳龍川天阡
夜開玄鶴去鑿坡冷落黃金蓮一家侯伯八九
輩封胡羯末仍駢肩雕刻烹龍炮鳳篇亦有氣
雄如馬遷自從兵革踰十年驚心文物晨星然
湖光樹色雲錦鮮明珠躍出驪龍淵蘄丘高閣
繡蓉褥墨君動喜生風煙青女裁霜作輕袂下
馬長趨紫闥前是時江南漸平定土貢金帛豐
貨泉捧贖內府贊利權長官韋得鄉中賢薇苓
清露滴翠磚點染物態歸銀箋不待除書先掉
臂未霜楊柳迎溪船南湖竹石無恙否紅緞紫

鯉不直錢。兩晴晚林黃。滿田醉呼疊嶂來詩遙。

紀事

壬寅十月初五日陰雨停空天未久江城暖氣驟蒸人蟬翼緇裳汗沾濕輕雷數聲生變化火鼓轟山電流赤長颺西來吹海立飛雨驚鳴建瓴急勢如萬騎怒衝擊對面相呼聽不得掩關漸是一更時燥眼全虬破昏黑蓮花碧礎遂出泉官市波濤湧三尺方當閉塞螫蟲俯頓駭龍蛇離窟宅怪得秋冬未降霜無乃天時有差忒陽氣至此本潛藏發泄深機不能密或占水旱在來年消弭災異當脩德須臾河漢現躔星天地無聲本來寂小窓獨坐對殘燭尚有寒蛩語空壁。

十月初六日夜作

昨宵雷電送雨來今宵又聞天上雷紫電照窓銀竹立初冬有此甚異哉天公仁慈萬物祖陰慘陽舒時不誤年七秋半雷收聲何乃致此非常怒上非其時太重復驚起昆蟲死平陸天發殺機今見之正賴賢君調玉燭惕然省身思過咎是日須書肆寬宥與民更始物維新和氣春

熙似靈囿天心警戒猶未已要在事上循天理
更以仁息蘇赤子天心轉移俄頃功化為瑞雪
年穀豐

病中友人寄詩遂以次韻

萬象變幻道是宗望而未見心有忤斯時講禮
聞戴聖西塾得師如馬融虛亭短燭風雨夜坐
久談論意氣雄鏗詞媚藻心所厭要使付物比
化工姑孰感客老將至喜持圭玷求磨礱病餘
思是元氣劣絕與調理民瘼同何當躍入安樂
窩先天尚友太古風誰言群聖逝已遠天地

下流渢

已上新近稿

陶學士先生文集卷之二

